

3

barne dich über mich noch dýner  
großē barhertzigkeit **O** aller  
gütigster jesus ich bitt dich  
durch das kostbarliche blutt / dz  
du williglichē vergossen hast  
am stamē des heyligen crúzes  
vor uns arme sündē / das du  
abtilgest alle nýn Sünd und  
bosheit **vñ** nit verstýme den  
der dich demüttigliche bittet **vñ**  
auch alle die / die diszē namen  
jesus den aller heiligste an ruffē  
wan diszer name jesus ist eyn  
süßer name / diszer name ihus  
ist eyn heilsamer name **was**  
ist jesus anders dan eyn be-  
halter **O** du gütter jesus der  
du mich geschaffen hast und  
auch erlöset / mit dýnem kost